

ZAKON

O IZMJENAMA I DOPUNAMA ZAKONA O POREZU NA DOHODAK

Član 1.

U Zakonu o porezu na dohodak ("Službene novine Federacije BiH", broj 10/08), u članu 5. tačka 4) iza zarez-a dodaje se tekst: "primanja odnosno donacije koje fizička lica ostvaruju po osnovu darovanja pravnih i fizičkih lica za zdravstvene potrebe (operativne zahvate, liječenja, nabavka lijekova i ortopedskih pomagala), koja nisu plaćena osnovnim, dopunskim ili privatnim zdravstvenim osiguranjem,".

U tački 11) iza riječi "utvrđenog", dodaju se riječi: "Pravilnikom o primjeni Zakona o porezu na dohodak", a preostali dio teksta briše se.

U tački 12) riječ "državni", briše se a iza riječi "organi", dodaje se riječ "vlasti".

Član 2.

U članu 6. tačka 7), iza riječi "školovanju", dodaju se riječi: "a najviše do iznosa od 75% prosječne neto plaće po zaposlenom u Federaciji, prema posljednjem objavljenom podatku nadležnog organa za statistiku.".

U tački 9), iza riječi "takmičenjima", dodaju se riječi: "do visine dvije prosječne neto plaće po zaposlenom u Federaciji, prema posljednjem objavljenom podatku nadležnog organa za statistiku.".

Član 3.

U članu 10. stav (2) tačka 1), iza riječi "utvrđenih", dodaju se riječi: "Pravilnikom o primjeni Zakona o porezu na dohodak", a preostali dio teksta briše se.

U stavu (4) tačka 5) mijenja se i glasi:

"5) poklon(i) koje poslodavci daju zaposleniku jedanput ili više puta u toku poreznog perioda povodom državnih i/ili vjerskih praznika ili jubileja firme, čija ukupna vrijednost nije viša od 30% prosječne mjesečne neto plaće isplaćene u Federaciji prema posljednjem objavljenom podatku nadležnog organa za statistiku.

Član 4.

U članu 15. iza stava (1), dodaju se novi st. (2), (3) i (4)., koji glasi:

"(2) Fizička lica - obveznici poreza na dohodak koji obavljaju registrovanu samostalnu djelatnost, obrtničku ili djelatnost sličnu obrtničkoj, bilo kao osnovno, dopunsko ili dodatno zanimanje, koja za obavljanje registrovane djelatnosti nabavljaju robu, odnosno materijal i sirovine, dužni su na kraju poslovne godine sa stanjem na dan 31. decembra, izvršiti popis zaliha robe, odnosno sirovina i materijala na zalihama odnosno u gotovim proizvodima, i to:

- po nabavnoj vrijednosti sa uračunatim porezom na dodatnu vrijednost, ako nisu registrovani PDV obveznici;
- po nabavnoj vrijednosti bez poreza na dodatnu vrijednost, ako su registrovani PDV obveznici.

(3) Stanje utvrđeno popisom ne prenosi se i ne iskazuje u Knjizi prihoda i rashoda kao početno stanje za narednu godinu. Nabavna vrijednost robe odnosno materijala i sirovina za obavljanje djelatnosti za koju je porezni obveznik registrovan smatra se poslovnim rashodom ako je ista iskazana u Knjizi prihoda i rashoda ovjerenoj u Poreznoj upravi na osnovu vjerodostojne dokumentacije o nabavci i plaćanju iste.

(4) Porezni obveznici iz stava (2) u Knjizi prihoda i rashoda, kao poslovni rashod za jedan porezni period mogu iskazati nabavnu vrijednost robe, odnosno sirovina i materijala koji su nabavili i platili u toku poreznog perioda."

Dosadašnji st. (2) do (6) postaju st. (5) do (9).

U dosadašnjem stavu (2) koji postaje stav (5), tačka 7), mijenja se i glasi:

"7) plaćena posebna naknada za zaštitu od prirodnih i drugih nesreća, opća vodna naknada, naknada za korišćenje općekorisnih funkcija šume i članarina turističkih zajednica i druge naknade koje su u vezi sa djelatnošću poreznog obveznika, do visine utvrđene posebnim propisima,"

Član 5.

U članu 24. stav (2) u tački 1), na kraju teksta dodaju se riječi: "kao i za bivšeg bračnog druga kojem plaća alimentaciju,"

U stavu (5), u prvoj rečenici iza riječi "izdržavaju" dodaju se riječi: "i djeca za koju roditelj plaća alimentaciju", a u drugoj rečenici, iza riječi "obveznikom" stavlja se tačka, a preostali dio teksta briše se.

U stavu (7), u četvrtom redu, riječi: "dobrovoljno zdravstveno te", brišu se.

Član 6.

U članu 35. stav (7), u zadnjoj rečenici riječi: "prijema zahtjeva", zamjenjuju se riječima: "isteka roka za podnošenje porezne prijave,"

Član 7.

U članu 36. stav (1), riječi: "kraja februara" zamjenjuju se riječima: "31. marta", a na kraju teksta dodaje se nova rečenica koja glasi:

"Nosilac zajedničke djelatnosti, shodno članu 17. stav (5) ovog zakona, dužan je po isteku poreznog perioda do kraja februara tekuće godine za proteklu godinu podnijeti Poreznoj upravi prijavu o utvrđenom dohotku od zajedničke djelatnosti."

U stavu (2) riječi: "porezne prijave" zamjenjuju se riječima: "poreznih prijava".

Član 8.

Iza člana 51. dodaju se novi čl. 51a., 51b. i 51c., koji glase:

"Član 51a.

Izuzetno od odredbi člana 15. st. (2) i (3) ovog zakona, kao poslovni rashod za 2009. godinu, porezni obveznici koji su za obavljanje registrovane djelatnosti nabavljali robu, odnosno sirovine i materijale u roku poreznog perioda, mogu iskazati i nabavnu vrijednost robe, odnosno sirovina i materijala koji su utvrdili popisom na dan 31. decembra 2008. godine i prenijeli kao početno stanje u Knjigu prihoda i rashoda za 2009. godinu, pod uslovom da za iste posjeduju urednu vjerodostojnu dokumentaciju o nabavci i da istu nisu iskazali kao poslovni rashod za 2008. godinu.

Član 51b.

Izuzetno od odredbe člana 35. stav (7) ovog zakona, povrat preplaćenog iznosa poreza na dohodak za 2009. godinu izvršit će se do 31. decembra 2010. godine.

Član 51c.

Izuzetno od odredbe člana 36. stav (1) ovog zakona, godišnju poreznu prijavu za 2009. godinu porezni obveznik podnosi do 30. aprila 2010. godine."

Član 9.

Ovaj zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Stjepan Krešić, s. r.